

近代中國史料叢刊第四十二輯  
沈雲龍主編

春在堂楹聯錄存

俞樾著

文海出版社印行

楹聯錄存一

德清俞樾

新安孫蓮叔觀旭樓聯

蓮叔有小樓可觀日出署曰觀旭余甲辰歲曾宿  
其中適大風竟夕遂題此聯故人馬謙香孝廉極  
賞之故至今猶未忘也

高吸紅霞最好五更看日出  
薄游黃海曾來一夕聽  
風聲

孫蓮叔紅葉讀書樓聯

此蓮叔讀書處也樓凡三折故其家人呼之曰曲

尺樓客至輒留宿其主

仙到應迷有簾幙幾重闌干幾曲 客來不遠看落葉  
滿屋奇書滿鉢

新安汪村關廟聯

廟在汪村水口并祀張睢陽主有文昌閣

威名滿華夏真義士真忠臣若論千載神交合與睢陽  
同俎豆 戎服讀春秋亦英雄亦儒雅試認九霄正氣  
常隨奎壁煥光芒

河南汝州關廟聯

吾鄉人之高于汝者以此廟爲公所丙辰年余行

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



部至此鄉人乞類

廟貌偏塵寰此間地接許昌請看魏國山河徒留荒草  
輶車遵汝水使者家居甚喜願與故鄉父老同拜靈  
旗

蘇州積功堂聯

乃掩骼埋齒之公所也司事者乞題

積累譬爲山得寸則寸得尺則尺 功修無待獲種豆  
是豆種瓜是瓜

舅氏平泉姚公輓聯

公子諱錫中極賞余有天才之歎以第四女女焉

又嘗著嘯經衍九疇爲八十一疇命余成其書至  
今不果無以見公地下矣

宅相託空談想盛德如公後起自應能繼美 館甥承  
謬愛媿嘯經付我至今猶未有成書

蘇州滌碧山莊聯

滌玉泉觀察索題不知其爲誰氏之莊也

邱壑在胸中看壘石疏泉有天然畫意 園林甲吳下  
願攜琴載酒作人外清游

滌玉泉觀察五十壽聯

觀察乃相國文恭公之第四子此聯可寓生中丞

極賞之然觀察不敵常縣未久即撤去

以名父子生宰相家有德業事功文章氣節 當中興  
年祝無量壽是英雄儒雅富貴神仙

許信臣撫部七十壽聯

撫部善談名理能以周易及大學中庸說釋典余  
戊辰年主其家旬日撫部每夕出談娓娓可聽也  
前詞苑後封疆頻年養望湖山綠野優游共推老福  
內儒書外釋典每夕縱談名理青銜滋味還似兒時  
吳母朱太夫人七十壽聯

太夫人乃平齋觀察之繼母其孫廣庵刺史亦成

進士官吳中矣夫人以五月八日生余與平齋交  
因進此聯爲壽

有子官三吳喜從前治譜流傳已見桐孫能濟美 後  
佛生一月嫌自此慈容雙鑠長將蒲酒祝延齡

馮室徐恭人輓聯

恭人乃馮少渠明府之室有賢德且善詞章工書  
法其子聽濤茂才會從余游頗有聲乃母教也

爲名門大婦爲劇縣小君而疏會而布衣盡洗庸庸脂  
粉氣 以官箴勗夫以家學課子是令妻是賢母長留  
落落孝慈聲



李太夫人七十壽聯

太夫人生六子長君筱泉中丞方撫吾浙次公少  
荃相國以大學士肅毅伯督兩湖家門之盛甲海  
內己巳二月三日爲太夫人七十生日余與相國  
爲甲辰鄉榜同年而又承中丞知愛延主講席故  
爲二聯一致中丞一致相國也

起居八坐亦多壽亦多男先百花生日祝慈蔭長春風  
舞鸞歌鶴漸水東西洞庭南北 文昌六星有上相有  
上將以萬石家風佐熙朝景運玉昆金友比荀龍減二  
賈虎增三

花下賦興來自既而兩浙而三吳而瀟湘洞庭數千里  
瞻拜慈雲屬鳥舞鸞鳥歌頌無量壽佛 牀頭朝笏滿  
有子爲宰相爲節度爲觀察轉運五百年特鍾間氣玉  
策賢金策聖作中興名臣

又

代許信臣前輩作

入鼎猶出封疆看膝前將相成行武達文通佐一代中  
興大業 月初三春未半祝堂上佛仙齊壽玉牙金齒  
開八旬曼衍遐齡

張仲甫先生八十壽聯

先生爲前歲午孝廉至己巳歲行年八十明年重  
賦鹿鳴矣精神開著且通內典所著書甚多而春  
秋屬詞彙例六十卷尤爲鉅製亂後燬其版擬重  
刻之然非容易也

萬卷擁書城精神滿腹蓄作等身積卅年雪案螢窗尤  
於麟經有得 兩回游泮水淨土潛修名場倦踏看明  
戴蒼顏鶴髮重歌鹿鳴而來

吳母朱太夫人輓聯

太夫人爲平齋觀察之母廣庵刺史之祖母生于

五月八日卒于六月九日

有造福三吳之子又有造福三吳之孫先後誦歌盈茂  
苑 遲浴佛一月而生再遲浴佛一月而卒去來蹤迹  
在靈山

李穉生太守六十壽聯

太守于九月四日生其先德曾任安徽廉訪有陰  
德也

借黃花九秋視黃堂千秋菊部好翻新樂府 承高門  
駟馬居高官五馬柏臺行紹舊家聲

江蘇臬署聯

同年應敏齋任江蘇廉訪以署中楹聯無佳者屬

爲更易輒擬數聯論之亦未知其果用否也聊識  
於此

聽訟吾猶人從到此平反已苦下情遲上達 舉頭天  
不遠願大家猛省莫將私意入公門

右大門聯上聯乃舊句對聯余所易也

讀律卽讀書願凡事從天理講求勿以聰明矜獨見  
在官如在客念平日所私心嚮往有將溫飽負初衷

右大堂聯

且住爲佳何必園林窮勝事 集思廣益豈惟風月助

清談

小坐集衣冠花徑常迎三益友  
清言見滋味芸窗爾勝  
讀十年書

右便坐聯

許仁山閣學晚聯

閣學爲余甲辰同年在翰林則爲前輩矣嗣于奉  
其喪自京師歸余以此聯輓之

傷心丁卯橋邊萋萋歸來從此過  
屈指甲辰榜上文  
章遭際似君稀

朱績臣處士五十壽聯

處士乃采孫孝廉之父有五子正月十一日其生

日也

有丹桂五株其大椿不老 先元宵四日祝明月長圓

張太夫人八十壽聯

太夫人乃友山方伯之母方伯官刑曹二十年出  
守秦中遷四川廉訪使由廣東安徽方伯移姑蘇  
而太夫人行年八十矣方伯與家兄同年因獻此  
聯爲壽

京國奉慈輿而秦而蜀而皖粵諸邦又向三吳開壽寓  
元宵張夜宴有子有孫有曾玄繼起行看五代共華

堂

又

慈雲從京國而來爲秦蜀皖粵諸大邦萬家生佛  
日至蘇臺更永與中丞廉訪兩賢母三壽作朋時丁兩  
均檄壽聯誌

韓母王太夫人五十壽聯

夫人爲韓君耀輝之繼室韓君以部司殉難有五  
子長殿甲記名提督次殿壽記名總兵次晉昌候  
補副將次殿榮縣令次慶雲直隸州牧同治九年  
夫人年五十二月二日其生日也杜小舫觀察與  
其長君善屬撰此聯爲壽



膝前種五樹桂天上拜五花封正仲春  
鳳降鷓鳴共祝  
五旬壽母 報國提一旅師傳家羅一牀  
笏看諸子文  
通武達同披一品仙衣

曾滌生侯相六十壽聯

大勇在安民運際中興出名世 小春欣遇闔天教兩  
度祝延齡

丁母黃太夫人輓聯

太夫人爲丁雨生中丞之母同治九年七月中丞  
奉命赴天津時太夫人已卧病中丞欲少留一  
二日不許已而病甚中丞猶在津祇不使知烏乎

可謂賢矣

讀晉史慨溫嶠之芘裾若膝下牽衣堂前勸駕且夕聞  
促辦行裝此事須知足千古 在聖門有曾母之齧指  
乃身膺疾疾書報平安巾幗中深明大義至今傳誦滿  
三吳

又

代友人作

多壽復多男有令子有賢孫有文孫之孫五代一堂同  
踴躍 教忠卽教孝是嚴師是慈母是稭母之母三吳  
百粵共誦思

應室凌夫人輓聯

夫人爲應敏齋同年繼室歿于江蘇臬使署

夜月冷皋橋尚有餘芬留德耀  
秋風鼓莊缶不堪清淚灑安仁

張友山漕帥五十壽聯

時友山新從蘇藩遷漕督十二月十日其生日也

太夫人在堂年八十矣蒲季玉觀察屬余譏此聯  
籌添大衍臘遇嘉平奉八秩慈親鶴髮堂前同笑語  
任重漕臚恩承使節台三吳父老聯歌聲裏頌臺萊

史忠正公輓聯

其一  
其裔孫花樓大令屬題

明月梅花拜祀連高塚 疾風勁草識版蕩忠臣

王蔭齋觀察觀聯

觀察名曾懋故字蔭齋與余名字皆相合前年在滬濱曾與同坐威林密輪船至金陵觀察之歿也擬書此聯觀之數字推敲未定竟不果書補錄於此

舊夢怕重提海上同舟兩夜聯牀還似昨 微名慙偶合吳中懷刺一時驚坐更無人

張母孟太夫人八十有四壽聯

太夫人爲子青中丞之母同治十年年八十四正月十八日其生日也中丞以丁未第一人歷任封圻時新從漕督調蘇撫太夫人猶在淮上也余與中丞同年因獻此聯

溯八艷來四番春信青衣鼓瑟祝高堂百年看膝前虎  
武龍文從狀頭至宰相 算元宵後三夜月明金錢買  
銜慶中興十載驅竟內鸞歌鳳舞自淮北到江南

應母朱太夫人七十有八壽聯

太夫人爲敏齋廉訪同年之母二月十七其生日也敏齋尚未得子時有抱子之望太夫人望之甚

切矣

距花朝五日開萱壽八旬吳下剛翻新菊部 酌春酒  
三杯披仙衣一品懷中行抱小蘭孫

唐母沈太淑人輓聯

太淑人乃鶴安明府之繼母卒年五十八

有命子宦三吳官舍清閑正向北堂樹萱草 距周甲  
尚兩載仙山歸去遽從西母看桃花

沈菁士太守輓聯

癸丑夏余在京師乞假南旋眷屬先發余寄居君  
廡數日及君罷官歸注講詒經精舍未久辭去余

遂承其乏于今三年矣聞君歸道山感念今昔寄  
此聯輓之

京國整歸裝幾日從君商出處 湖樓開講席三年設  
我養疏頑

王子勤觀察七十壽聯

觀察以五月十日生有子十一人許信臣前輩其  
門下士也屬撰此聯

舞綵滿華堂看膝前簪笏成行以八龍兼三鳳 稱觴  
進蒲酒願沐下康強逢吉從夏五祝秋千

湯敏齋太常輓聯

太常爲協揆文端公次子咸豐庚申歲疏陳時事  
與當軸者不合遂引退今年卒于吳中寓廬其長  
子名紀尚歸頗能繼其家學也

頓失老成人憶咸豐季年闕下封章持正論  
重披世系表溯文端遺澤牀頭祖笏付佳兒

恩竹樵方伯五十有四壽聯

方伯喜吟詩與余唱和無虛日六月十一日其生  
日書此爲壽

白香山五十四官蘇州早見詩篇滿吳郡  
范純仁六月中賜生日行看制草出坡公



楊母丁淑人輓聯

淑人能詩工書曾割臂肉和藥療君姑之病所適  
楊君秉字子宣宦游浙江辛酉之春死寇難夫忠  
婦孝是可傳矣

有令德有清才不媿聲稱是賢母 一忠臣一孝婦最  
難伉儷並傳人

管洵美明經輓聯

明經乃陳碩甫先生之高足弟子其沒之夕有星  
隕之異碩甫先生名負精毛詩學居吳下之南園  
學者稱南園陳先生也

東壁實文光一星炯然果應此老 南園訪喬木三吳  
學者又失斯人

周壽沈太夫人輓聯

太夫人爲履雲侍御前輩之母年八十六而終

濟八秩更六齡富貴貧賤思難處之夷然屢承芝誥褒  
揚有是兒有是母 以一身兼五福康寧令德考終數  
者備矣請看麻衣羅拜又多子又多孫

惟次山撫部輓聯

撫部以庶常改吏部官至湖南巡撫罷歸乃家兄  
壬甫太守癸卯同年也年衆同廬吳下時相過從

所居有櫟樹余去年爲書櫟存草堂額不意其遽  
作古人也

大雅宏達是名翰林清通簡要是道吏部嚴明仁恕是  
封疆重臣遺愛長留荆楚地 論共香俸爲前後輩編  
花萼集爲同年生訂編紵交爲吳中老友傷心怕過櫟  
存堂

沈仲復觀察五十壽聯

觀察生于九月四日時方從常鑾道調蘇松大道  
尚未隸新任也

爲第一泉小駐行旌莫羨將臨黃歇浦 先重九日特

開公宴茱萸預佐紫霞觴

又

觀察實生于九月十日前聯小誤復誤是聯

以玉堂客作金山主人旌節將移且爲第一泉小住

歌鶴南飛和大江東去茱萸未老好補重九日清游

潘少梅明經輓聯

少梅乃余兄子舖堂之婦翁也工舉子業屢困場

屋晚年究宗文義塾事余在西湖講舍頻與往返

今年四月六日余將還吳下尚話別於塾中不意

別未數月遂作古人也少梅有子曰鴻字儀父乃

詰經精舍之高才生去歲已舉於鄉矣

論年齒宜兄弟事論昏媾是親家憶塔佛前兩日話別依  
依何意重來失良友 以道義式鄉閭以舉業訓後進  
與及門二三子談文娉娉所欣繼起有佳兒

財神廟聯

潛玉泉觀察屬讀久無以報命偶於舟中集四書  
語作二聯與之亦不知其果用否也

無以爲寶惟善以爲寶則財恆足矣 義然後取人不  
厭其取又從而招之

生財有大道則拳拳服膺仁是也義是也富哉言乎至

足矣 君子無所爭故源源而來孰與之天與之神之  
格思如此夫

又

西湖孤山有財神廟廟中聯語無一佳者余擬書  
此聯縣之未果也

梅鶴洗酸寒且教逋老揚眉芍仙生色 鶯花添富麗  
恰稱金牛湖上寶石山邊

李少荃爵相五十壽聯

余與相公爲甲辰同年聞其於同治十一年正月  
五日慶五十壽寄此聯祝之公時爲直隸總督

以歲之正以月之令春酒一尊為相公壽 治內用文  
治外用武長城萬里殿天子邦

汪蓮府駕部六十壽聯

駕部乃 先君門下士余三十六年來老友也以  
孝廉官即署未久即移疾歸新安故里以齒德為  
一鄉望今歲行年六十矣十一月二十日其生日  
也余方在西湖詒經精舍寄此壽之

北闕賦歸田歸然作東魯靈光際一陽始生逢六旬初  
度 西湖勞望遠安得跨南飛瑞鶴來桃花潭上拜柏  
葉仙人

柳母俞孺人聯

孺人乃柳質卿孝廉之母議者以孝廉有前母宜稱繼母孝廉以書問余余按儀禮喪服篇繼母如母疏曰繼母本非骨肉故次親母後然則以親母而謂之繼母義不可通矣孝廉從余言遂稱先妣余因書此聯輓之

生稱母死稱妣必也正名一字記曾參末議 鍾氏禮  
郝氏口幸哉有子九泉會見貫恩綸

羅壯節王貞介兩公祠聯

壯節名遵殿乙未進士浙江巡撫貞介名友端丁



未進士署浙江布政使同死庚申之難者也浙江  
省城新建兩公祠高滋周都轉屬題此聯

由名進士起家為名臣一開府一開藩浙東西崇德報  
功人與白蘇共千古 是大丈夫出身臨大節以死戰  
以死守城內外矢窮援絕天教巡遠作雙忠

曾文正公輓聯

余受知文正最深庚戌進士覆試公充閱卷官以  
余詩有花落春仍在句期許甚大余以春在名堂  
識感亦識媿也山嶺木壞吾將安仰於輓聯仍及  
此意追惟昔歎曷勝恫然